



Broj: 07-11-5-3255/26

Bosanska Krupa, 5.6.2026. godina

Na osnovu člana 69. stav (2) tačka d) i član 70. stav 4. Zakona o javnim nabavkama („Službeni glasnik BiH“, broj: 39/14, 59/22 i 50/24), u konkurentskom postupku nabavke: Nabavka urbanog mobilijara na Malim adama – dio I, Gradonačelnik, kao rukovodilac organa uprave Grada Bosanska Krupa, donosi:

O D L U K U

1. Odluka o izboru najpovoljnijeg ponuđača broj: 07-11-5-3255/26 od 11.05.2026. godine stavlja se van snage, jer izabrani ponuđač ŠPD „Unsko-sanske šume“ d.o.o. Bosanska Krupa nije dostavio sve originale ili ovjerene kopije dokumentacije iz člana 45. stav (1) tačka a) u roku koji je odredio ugovorni organ.
2. Poništava se postupak javne nabavke „Nabavka urbanog mobilijara na Malim adama – dio I“, proveden putem konkurentskog zahtjeva za dostavljanje ponuda, pokrenut Odlukom o pokretanju postupka javne nabavke broj: 07-11-5-3255/26 od 20.4.2026. godine, iz razloga što nije preostala nijedna prihvatljiva ponuda.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 07-11-5-3255/26 od 20.4.2026. godine. Javna nabavka je provedena putem konkurentskog zahtjeva za dostavu ponuda – Nabavka urbanog mobilijara na Malim adama – dio I. Obavještenje o nabavci broj: 1272-7-1-51-3-45/26 i Ispravka za Obavještenje o nabavci broj: 1272-7-1-51-8-46/26, oboje od 20.4.2026. godine - objavljeno na portalu JN (TD preuzelo ukupno 11 ponuđača) i u Službenom glasniku Bosne i Hercegovine, broj: 29/26 od dana 24.4.2026. godine.

Do označenog roka za prijem ponuda na protokol Ugovornog organa je blagovremeno je pristigla jedna ponuda, a što je vidljivo iz tabelarnog pregleda dostavljenog od strane službenika koji radi na protokolu ugovornog organa i to:

1. **ŠPD „Unsko-sanske šume“ d.o.o. Bosanska Krupa**, zaprimljena pod brojem protokola: 07-11-5-3225-2/26 dana 4.5.2026. godine u 11:00 sati.

Komisija za provođenje postupka javne nabavke je u skladu sa tenderskom dokumentacijom dana 4.5.2026. godine u 12,30 sati izvršila javno otvaranje pristiglih ponuda:

1. **Ponuđač ŠPD „Unsko-sanske šume“ d.o.o. Bosanska Krupa**, dostavljena ponuda uredno zapakovana i bez vidnih oštećenja (original i kopija), ponudio je:

cijena ponude bez PDV:	6.720,00 KM
PDV	1.142,40 KM
ukupna cijena s PDV:	7.862,40 KM

Nema popusta.

Komisija je izvršila evaluaciju dostavljene ponude i konstatovala da je ponuda ponuđača **ŠPD „Unsko-sanske šume“ d.o.o. Bosanska Krupa** potpuna i ispravna u formalno-pravnom smislu (ponuđač dostavio ponudu u skladu sa tenderskom

dokumentacijom, ispunio uslove za učešće, dostavio potrebne dokaze) i da je računski tačna. Komisija je konstatovala da je procijenjena vrijednost roba 6.840,00 KM bez PDV-a, odnosno 8.002,80 KM s PDV-om.

Također je konstатовano da je u ovom postupku predviđeno provođenje e-aukcije, ali se ista neće provoditi, jer je zaprimljena samo jedna prihvatljiva ponuda, a shodno članu 4. stav (2) Pravilnika o uslovima i načinu korištenja e-aukcije ("Službeni glasnik Bosne i Hercegovine", broj: 80/23).

Shodno navedenom, a kako je kriterij za dodjelu ugovora najniža cijena, Komisija za provođenje postupka javne nabavke predložila je Ugovornom organu da donese Odluku o izboru najpovoljnijeg ponuđača i to ŠPD „Unsko-sanske šume“ d.o.o. Bosanska Krupa i zaključi Ugovor s istim. S obzirom da je kriterij za dodjelu ugovora „najniža cijena tehnički zadovoljavajuće ponude i da je ponuda ponuđača ŠPD „Unsko-sanske šume“ d.o.o. Bosanska Krupa jedina zaprimljena i prihvatljiva ponuda, a koja je i u okviru procijenjene vrijednosti predmetne nabavke, dana 11.5.2026. godine Ugovornini organ donio Odluku o izboru najpovoljnijeg ponuđača broj: 07-11-5-3255/26. Tačkom 2. navedene Odluke je određeno da se izabrani ponuđač ŠPD „Unsko-sanske šume“ d.o.o. Bosanska Krupa obavezuje da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama. Izabrani ponuđač je Odluku zaprimio putem maila dana 11.5.2026. godine, te je krajnji rok za dostavu dokumentacije padao na dan 16.5.2026. godine (subota), neradni dan, tako da je posljednji dan za dostavu tražene dokumentacije je bio 18.5.2026. godine.

Dana 18.5.2026. godine izabrani ponuđač je dostavio Uvjerenje Kantonalnog poreznog ureda, Ispostava Bosanska Krupa, Uvjerenje Uprave za indirektno oporezivanje, Uvjerenje Općinskog suda Bosanska Krupa i Uvjerenje Općinskog suda u Bihaću. Ponuđač nije dostavio Uvjerenje Suda BiH a što je jasno određeno tačkom 12. stav 3. tačka a): "Izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan; uvjerenje/potvrda izdano od strane Suda BiH i uvjerenje/potvrda izdano od strane suda nadležnog prema sjedištu kandidata/ponuđača."

Obzirom da je izabrani ponuđač dostavio samo uvjerenje izdano od strane suda nadležnog prema sjedištu kandidata/ponuđača, ali ne i uvjerenje Suda BiH, te obzirom da je navedeni ponuđač jedini ponuđač u ovom postupku, odlučeno je kao u dispozitivu.

Pouka o pravnom lijeku

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Akt obradila: Elmedina Kavazović,
sekretar gradskog organa uprave



Dostaviti:

1. ŠPD „Unsko-sanske šume“ d.o.o. Bosanska Krupa, putem e-maila
2. a/a